



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Actio gratiarum pro multiplici cruciату, tam externo quàm interno Christi
in cruce, & pro glorioso crucis titulo. Cap. XIII.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

Psal. 118.

confige timore tuo carnes meas, ne libidini, aut qualicumque peccato male suafus consentiam. Per fora manus meas, ne ocio torpescant: perfige pedes meos, vt in bono opere stabilis perseuerem, vtq; fortiter labores & dolores pro tui honore sustineam. Ardentissimus quoque ille amor tuus, quo cruci clavis durissimis fuisti affixus, cor meum amantissime Iesu transeat, salutaritq; me vulnere cruciet, vt ex vehementi meorum peccatorum contritione, tuiq; dilectione totus lachrymis fluam ac à meipso quasi penitus deficiam. In cute dulcis Iesu dolorem, auge deuotionem, renoua compassionem, accende in me tui amorem, vt nihil mihi sapiat, nihil afficiat, nihil corde meo infat aut inhæreat, nisi dulcis Iesus Christus, & hic ex mei amore crucifixus.

Ab omnibus igitur obsecro pie & suauissime Iesu, quæ huius mundi sunt, totum me tecum in cruce tua subleues, vt mundo & omnibus concupiscentijs eius crucifixus & mortuus, in tuis mellifluis vulneribus valeam iugiter commorari: & ad eadem in omni aduersitate & ingruente tentatione summa fiducia confugere, Amen.

Actio gratiarum pro multiplici cruciату tam externo, quam interno Christi in cruce, & pro glorioso crucis Christi titulo.

CAPVT XIII.

Psal. 69.

Psal. 118.

Omnipotens, piissime ac patientissime Domine Iesu, mediator Dei & hominum: adoro, laudo, benedico & gratias ago tibi, quod naturam humanam assumpsisti propter me perditum hominem redimendum, & iam in eadem patiendo, te metipsum pro nobis hostiam viuam & immaculatam Patri obtulisti. Repræsentato nunc tibi summo cordis mœrore immensam illam & profundissimam omnium afflictionum & cruciamenorum abyssum, quæ intus & foris sustinebas, quando in cruce in omnibus & singulis membris, venis & artibus tuis totus penitissimè & dolorosissimè, sauciatus, solus tribus horis grauissimum illud calcastrum torcular, ad eum vndique pœnis & vulneribus repletus, vt à vertice capitis vsque ad imum pedis non esset in te vel vlla sanitas: sed quicquid in corpore tuo erat, aut erat plaga tumens & liuida, aut vulnus fluens; aut roseus calidusq; sanguis per corpus discurrens.

Vtinam verò cordi meo tuæ passionis ingem memoriam imprimas (ad qualemcunq; per gratiam tuam, tibi exhibendam compassionem & gratitudinem) vt indefinenter deuotè meditando expendam in te humanitatis tuæ nobilissimam tenerrimamq; complexionem, incompræhensibilem tuæ Maiestatis excellentiam, & dignitatem, pœnarum magnitudinem & multitudinem, vulnerum acerbicatem & profunditatem, dolorum multipliciter, opprobriorum varietatem, spiritus angustias, cordis pressuras, cordiales & intimas compassionem atque tristitias: quæ omnia cum semper, tum maxime tribus illis horis, quibus in cruce tribus clavis eras affixus, tibi cruciatus omni intellectu maiores, quin & morte amariores tibi exaggerauerunt. His insuper accessit, quod singulorum vulnerum atq; pœnarum distinctim ac singulariter simul omnes & singulos sentiebas dolores & acerbitates. Ampliabantur vulnera, & nouis continuè pœnis profundius lacerebantur, adeo vt dolor non modo omne corpus, verum cordis etiam atque osium penetrans medullas, te totum nimis dire laniando mactaret & cruciaret.

Cæte-

Cæterum, vehementius multo te affligebat internus dolor, pro animabus in-
gratis, tantam charitatem contempseris, ac sub tanto pretio pro illis exposito pe-
riturus. Præterea patiebaris coram innumerabili populi multitudine multige-
narum gentium, quæ vndique ad diem festum conuenerat. Patiebaris etiam ab
electa gente, in paschali tempore, in despectissimo loco, & ignominioso crucis
supplicio, latronibus sociatus, imò in medio latronum suspensus: vt ab ignoran-
tibus, singularis præcipuusq; malefactor credereris, procurantibus hoc ipsum
perfidissimis Iudæis: patiebaris denique innocenter pro peccatis alienis, idq; ex
pura & sola charitate; quod etiam vniuersus orbis animaduertere potuit, quan-
do nulla alia necis tuæ causa cruci inscripta fuerit, sed nec scribi potuerit, quam
quod rex esses Iudæorum. Ex hoc titulo liquido omnibus constitit, te non pro
aliquo scelere, sed ex amore purissimo animam tuam morti exposuisse pro ami-
cis tuis. Ioan. 19.

*Pro aduersitatum omnium leni perpeffione, diuina charitatis ardore, proq; afflictorum
cunctorum consolatione, Precatio XIII.*

O Christe Iesu, pijsime, pro singulis tuis plagis, liuoribus, vulneribus pœnis
atque gemitibus, pro singulis denique sanguinis tui guttis, adoro, laudo, be-
nedico & gratias tibi ago, per hæc eadem, & per immensam misericordiam
tuam obsecrans te, ne quando derelinquas me, nec vlla finis me tentatione vinci,
vel vlla aduersitate frangi aut superari. Libera & custodi me ab omni peccato, ab
invidijs inimicorum defende me, in omni tentatione protege & dirige me. Non sit
quælo in te frustra tantæ passionis dolor, tantæ charitatis feror, tantæq; benigni-
tatis dulcor, nec in me euacuetur tuæ passionis fructus: non me vocationis tuæ pie-
tas deserat, sed per temetipsum miserere mei, & regere tu me & totum posside, & fac
vt intimo corde semper tui amore vulneratus, & compassione absorptus, te sem-
per videam Deum meum pro me crucifixum. Ita mens mea tibi ingiter inhæreat,
vt nil extra te mihi libeat. Imple cor meum pie Iesu, fide recta spe firma, atque cha-
ritate perfecta, quibus perpetuo tibi & inseparabiliter inhæream, & nunquam à
laude tui & gratiarum actione deficiam.

Oro te etiam clementissime Iesu, pro omnibus, pro quibus passus es, ne tam
dolorosissima & ignominiosissima passio tua, neve tam sacratissima & pijsima
mors tua, ne denique tanta charitas tua in eis pereat. Consolare omnes quocunq;
modo afflictos tentatos protege, cunctos qui in gratia tua sunt confirma, omnes
qui à te auersi sunt, conuerte, & saluos fac nos quos redemisti, sicut tu scis & vis
Domine Deus noster, Amen.

*Actio gratiarum pro Domini Iesu pretiosissimi sanguinis ex quatuor vulneribus abun-
danter effluentis eruptione, & crucis terræ, irrigatione omnium item ipsius membrorum
ineffabili pœna.*

CAPVT XIV.

Priusime Domine Iesu, fons inexhaustæ pietatis, adoro, laudo, benedicoq; te &
gratias tibi ago pro copiosa & superfluenti effusione preciosi sanguinis tui,
quem tam largiter & ineffabili cum desiderio miseris elargitus es, quando is
ex quatuor corporis tui partibus, scilicet manibus & pedibus confixis cruci,

ff a velut